

D. JESÚS CACHARRÓN CAJIDE
Mercurin - Barral
15818 - **BOIMORTO**

Servizo de Montes
Referencia: CFA 088/2019

RESOLUCIÓN DA DIRECCIÓN XERAL DE PLANIFICACIÓN E ORDENACIÓN FORESTAL DE CAMBIO DE ACTIVIDADE FORESTAL A AGRÍCOLA SOLICITADO POR D. JESÚS CACHARRÓN CAJIDE.

FEITOS

PRIMEIRO. D. Jesús Cacharrón Cajide, o 10 de Maio de 2019, solicitou o cambio de actividade forestal a agrícola da parcela 380, do polígono 501, do concello de Boimorto.

SEGUNDO. O 20 de maio de 2019 solicítaselle informe ao Distrito Forestal III.

CONSIDERACIÓNS LEGAIS E TÉCNICAS

PRIMEIRA. A Lei 7/2012, do 28 de xuño, de montes de Galicia, establece no artigo 60 o procedemento para os cambios de actividade forestal a agrícola. O artigo 8 da Lei establece que por administración ou órgano forestal enténdese o órgano da Comunidade Autónoma con rango de dirección xeral ou secretaría xeral, con competencia en materia de montes.

SEGUNDA. O Decreto 149/2018, do 5 de decembro, establece a estrutura orgánica da Consellería do Medio Rural, na que se atribúe á Dirección Xeral de Planificación e Ordenación Forestal a competencia para resolver os cambios de actividade forestal a agrícola. Por Resolución do 19 de xuño de 2013, delégase a competencia de resolución nas Xefaturas Territoriais da Consellería.

TERCEIRA. Son tamén de aplicación a Lei 39/2015, de 1 de outubro, do Procedemento Administrativo Común das Administracións Públicas, e a Lei 21/2013, de 9 de decembro, de avaliación ambiental, modificada pola Lei 9/2018 de 5 de decembro.

CUARTA.- O 21 de xuño de 2019, o Distrito Forestal III emite informe, nos que sinala o seguinte:

1. A parcela ten unha superficie de 7,77 ha, nun 25% da superficie vexeta unha masa de frondosas do anexo I, da Lei de montes (carballos, castiñeiros e bidueiros).
2. Ao tratarse da tala dunha masa forestal co propósito de cambiar a outro tipo de actividade e afectar a especies frondosas do anexo I da lei de montes de Galicia maiores de 10 anos, e necesaria unha autorización da autoridade forestal logo da xustificación da actividade agrícola por parte do promotor segundo o artigo 60.1 da Lei de montes de Galicia.
3. Ase mesmo para dita actuación é necesaria unha avaliación ambiental simplificada, prevista na Lei 21/2013, do 9 de decembro, de avaliación ambiental (BOE do 11/12/2013) .

QUINTA.- Con data 9 de xullo de 2019 requírese ao interesado para que presenta a solicitude de inicio da avaliación de impacto ambiental simplificada e o documento ambiental da actuación proxectada, sendo notificado o día 11 do mesmo mes.

SEXTA.- O interesado presenta solicitudes de prorroga para a presentación da documentación requirida o 11 de outubro de 2019 e 4 de febreiro de 2020.



SÉTIMA.- O 7 de marzo de 2020 o interesado aporta a solicitude de inicio da avaliación de impacto ambiental simplificada e o documento ambiental da actuación proxectada.

OITAVA.- O 10 de marzo de 2020, dáse traslado da solicitude de avaliación e documentos que a acompañan á Subdirección Xeral de Avaliación Ambiental.

NOVENA.- O 20 de abril de 2020, trasládase ao Servizo de Avaliación Ambiental de Proxectos, informe do Servizo de Montes que tendo en conta a documentación ambiental presentada, é favorable ao cambio solicitado.


DÉCIMA.- O 5 de xuño de 2020, acordase suspender o procedemento de cambio de actividade forestal a agrícola ata que o informe de impacto ambiental sexa emitido, ao abeiro do disposto no artigo 22 da Lei 39/2015, do 1 de outubro, do Procedemento Administrativo Común das Administracións Públicas, sendo notificado o interesado o 9 do mesmo mes.

UNDÉCIMA.- Con data 12 de novembro de 2020 recíbese neste Servizo, informe de impacto ambiental (IIA), formulado pola Dirección Xeral de Calidade Ambiental e Cambio Climático, que na súa resolución do 9 do mesmo mes, conclúe que non son previsibles efectos significativos sobre o medio ambiente e, polo tanto, non se considera necesario someter o proxecto a avaliación de impacto ambiental ordinaria.

DUODÉCIMA.-No expediente consta acreditación do rexistro de explotacións agrarias de data 16 de maio de 2019, no que o solicitante figura como titular da explotación agrícola G-1501000360.

De acordo con todo o indicado, **RESOLVO:**

AUTORIZAR o cambio de actividade forestal a agrícola da parcela 380, do polígono 501, do concello de Boimorto, agás a mouteira 1 (0,9610 ha) que ven sinalada no plano nº 3 do proxecto ambiental, debendo tamén conservar a sebe de arborado que limita a parcela polo sur, así como a faixa de arborado nas marxes noroeste e sueste da parcela que se sinala no bosquexo seguinte:



Tamén deberá ter en conta as condicións ambientais que figuran no apartado 4 da Resolución da Dirección Xeral De Calidade Ambiental e Cambio Climático, pola que se formula o informe de impacto ambiental do proxecto de cambio de uso de forestal a agrícola da parcela. **Ditas condicións figuran como anexo nesta resolución.**

Esta autorización estará suxeita tamén ao cumprimento das seguintes actuacións:

1. O cambio de actividade deberá levarse a cabo no prazo de **6 meses** a partir do día da notificación da presente resolución. Transcorrido ese prazo sen facer efectivo o cambio, esta resolución quedará sen efecto.
2. Deberanse facer os traballos de instauración do cultivo evitando ao máximo a degradación do solo pola erosión. O cambio de actividade do terreo levarase a cabo seguindo as recomendacións do Código Galego de Boas Prácticas Agrarias no referente a aplicación dun aboado razoable e de respecto ao medio ambiente.
3. Lembrámoslle que, segundo o previsto no artigo 10 do Decreto 200/2012, do 4 de outubro, polo que se regula o Rexistro de Explotacións Agrarias de Galicia (Reaga), os titulares de explotacións deberán comunicar as modificacións substanciais que nela se produzan, entre as que se inclúen os cambios nas orientacións produtivas ou as variacións na superficie da base territorial. Estas actualizacións dos datos rexistrados realizaranse empregando o formulario normalizado MR408B, dispoñible na Sede Electrónica da Xunta de Galicia ou na súa Oficina Agraria Comarcal de referencia.

A presente autorización non presupón ningún dereito de propiedade nin prexuízo de terceiros e, en caso de litixio, a responsabilidade será do solicitante, que tamén a terá no suposto de inexactitude, falsidade ou omisión de datos esenciais aos que se refire o artigo 69.4 da Lei 39/2015, do 1 de outubro, do Procedemento Administrativo Común das Administracións Públicas.

Contra a presente resolución, que non finaliza a vía administrativa, poderá interpoñerse recurso de alzada ante o Conselleiro do Medio Rural no prazo dun mes contado a partir do día seguinte ao da súa notificación, de conformidade co establecido nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas.

A Coruña,
O Director Xeral de Planificación e Ordenación Forestal
P.D. (Resolución do 19/06/13 DOG 01/07/13)

